



Jamhuuriyada Somaliland

Golaha Wakiilada JSL



Warbixinta

Shir-gudoonka ee Kal-fadhigii 27^{aad}

(From 14 March 2015 to 26 May 2015)

August 2915

Ku:- Mudanayaasha Golaha Wakiilada JSL.

Ujeedo: - Warbixinta Shir-gudoonka ee kal-fadhigii 27^{aad}

Mudanayaal

Si aynu u gudano hawlaha inoo qorshaysan **kal-fadhiga 28^{aad}** ee Golaha Wakiilada oo una dardar galino, una dhameystirno hawladii inaga baaqdey kal-fadhigii hore inagoo gudanayna Waajibaadkeena Qaran, waxaan halka idiinku soo gudbinaynaa waxqabadkii Golaha Wakiilada ee kal-fadhigii 27^{aad} oo dhamaystiran si aad u xasuusataan wax yaabihii inoo qabsoomay iyo wixii aan inoo qabsoomin.

1. Ajendihii Kal-fadhiga 27^{aad}

Ajandaha Kalfadhiga 27^{aad} ee Golaha Wakiilada.

14/03/2015

1. Warbixinta Shirgudoonka, Guddida Joogtada ah iyo Gudiyadda Golaha Wakiilada
2. Mashaariicda Sharci ee Golaha Horyaal.

No.	Magaca Xeerka	Marxalada aa u marayo	Cida Gacanta ku haysa
1.	Xeerka Duulista Hawada	Akhriska 1 ^{aad}	Guddida Arrimaha Bulshada
2.	Xeerka Waxbarashada Qaranka JSL	War-bixinta Guddida.Ar.Bulshada	Guddida Arrimaha bulshada
3.	Xeerka Nidaamka Xukumada	War-bixinta Guddida.Joogtada	Guddida Joogtada
4.	Xeer Hoosaadka Golaha Wakiilada	Guddida joogtada	Guddida Joogtada
5.	Xeerka ka Gacansiga Hawlaha BangiyadaJSL	Golaha	Golaha
6.	Xeerka La dagaalanka Argaxisada	Warbixinta Guddida Ar.Gudaha	Guddida Arrimaha Gudaha
7.	Xeerka Doorashada Golaha Wakiilada	Golaha	Golaha
8.	Xeerka Caasimada	Mooshin	Gole waynaha

3. Ansixinta Masuuliyiinta Qaranka
4. Xeerarka Golaha Guurtida ka soo noqda
5. Xeerarka Madaxweynaha ka soo noqda ee aanu saxeexin.
6. Iyo Wixii kale ee soo kordha

2. Kal-fadhigii 27^{aad}

No	Kal-fadhiga	Taariikhda uu furmay	Taariikhda uu xidhmay
1.	27 ^{aad}	14/03/2015	26/05/2015

Kal-fadhigan oo Goluhu qabtey hawlo aad muhiimaa ay ka mid ahaayeen Ansixinta Xeerarka ay ka mid ahaayeen Xeerka Hay'adda Dhowrida Tayada Xeerka Duulista Hawada, Ansixinta Masuuliyiin Qaranka iyo Mooshino Golaha la keenay iyo sidoo kale Wax qabadkii Gudiyada Golaha, halkan ayaanu ku soo bandhigeynaa Wax qabadkii Kal-fadhiga 27^{aad} oo dhameysitiran si aynu u dardargalino kal-fadhiga 28^{aad}.

3. Xeerarka Goluhu ka doodey:-

No	Magaca Xeerka	Wakhtiga Dooda
1.	Xeerka Duulista Hawada	05/April--30/March/2015
2.	Xeerka Nidaamka Xukuumada	25/05/2015

3. Mashaariicda Sharci ee Goluhu Ansixiyey



No	Mashruuc Sharciga la Ansixiyay	Taariikhda	Halka loo gudbiyay
1.	Xeerka Duulista Madaniga	05/05/2015	Golaha Guurtida

2.

Xeerka Hay'adda Dhowrida Tayada

05/05/2015

Madaxweynaha

4. Fadhiyada Wada jirka ah ee Labada Gole(Guurtida iyo Wakiilada)

Labada Gole waxay yeesheen saddex Fadhi oo wada-jir ah, fadhiga hore Waxay Mudanayaasha labada Gole ku dhageysteen Khudbad Sanadeedkii Madaxweynaha ee sanadka 2015ka, Fadhigaas oo ahaa 28/03/2015, Madaxweynaha Jamhuuriyada Somaliland **Md. Axmed Maxamed Maxamuud Siilaanyo** Wuxuu fadhigaa ka jeediyay Khudbad dhinacyo badan taabanaysa oo u badan wax qabadkii Xukuumada sandkii 2014ka iyo wixii ka dambeysay.



Waxyaabaha khudbadu ka koobneyd waxaa ka mid ahaa Dhinacyada Waxbrashada, Caafimaadka, Doorashooyinka iyo Diiwaangalinta, Safaro uu Madaxweynuhu Gobolada dalka ku tagey iyo kuwo dibada ahba iyo sidoo kale Xaalada Siyaasadeed ee Dalka iyo guud ahaan Mandaqada inagu xeeran.

labadaa fadhi ee kale waxay kala ahaayeen mid qabsoomey **25/04/2015** oo mudanayaasha labada Gole ugu codeeyeen in Gudoomiyihii Maxkamada Sare **Md.**

Yuusuf Ismaaciil Cali oo Madaxweynuhu xilka ka qaadey isla markaana labada Gole u soo gudbiyay Cod u qaadaan xil ka qaadistiisa sida Sharcigu dhigayo, waxayna Mudanayaasha labada aqalb ka ogolaadeen Madaxweynaha Xilka qaadista Gudoomiyihii Maxkamada Sare.

Fadhiga labaad ee labada Gole Wada-jir u yeesheena wuxuu qabsoomey **02/06/2015**, waxaana lagu ansixinayay fadhigaa Gudoomiyaha Maxkamada Sare **Md. Aadan X. Cali** oo Madaxweynaha Somaliland **Md. Axmed Maxamed Maxamuud Siilaanyo** u Magacaabey jagadaa ka dib markii xilkii laga qaadey Gudoomiyihii hore, waxayna Mudanayaasha laba aqalba Cod Aalabiyad ah ku Ansixiyeen Gudoomiyaha Maxkamada Sare inuu noqdo **Md. Aadan X. Cali**.

5. Mooshinada Golaha Horkeenay:-

Intii lagu jirey kal-fadhigii 27aad ee Golaha waxaa Golaha la keenay 3 mooshin oo kala ahaa:-

<u>No.</u>	<u>Ujeedada Mooshinka</u>	<u>Taariikhda</u>
1.	Mooshin ku saabsan laalista Kharash Baabuurta Dekada ka soo degta la saarey.	11/04/2015
2.	Mooshin ku saaban Wax ka badalka iyo Kaabista Xeerka Gobolada iyo Degmooyinka	23/05/2015
3.	Mooshin ku saabsan Sixir Bararka	23/05/2015

Saddexdaa Mooshin oo ansaxay mareyna wadadii sharciga laba ka mid ah Goluhu Cod buu u qaadey iyadoon laga doodin labaa mooshin oo kala ah Mooshinka laalista kharashka Buurbura Dekada ka soo degta la saarey, waxaana Mooshinka lagu laaley in la qaado lacagta la saarey baabuurta.

Mooshinka kale ee ku saabsan Wax ka badalka iyo Kaabista Xeerka Gobolada iyo Degmooyinka oo Goluhu kala doortey in Cod loo qaado iyo in laga doodo waxaa la isku waafaqey in cod loo qaado, waxaana mooshinka lagu ansixiyay inaan la sameyn wax ka badalka Xeerka oo aqlabiyada tirada Mudanayaashu waxay u codeeyeen in loo baahneyn wax ka badalka Xeerkaas.

6. Masuuliyiinta Goluhu Ansixiyay

<u>No</u>	<u>Magaca Masuulka</u>	<u>Xilka</u>	<u>Taarikhda</u>
1.	Md. Baashe Cali Jaamac	Wasiirka Wasaarada Biyaha	11/04/2015
2.	Md. Maxa'ed Aw Dahir Ibraahin	Wasiirka Wasaarada Beeraha	11/04/2015

3.	Md. Cabdilaahi X. Jaamac Cali	Gudoomiyaha Baanka Dhexe	11/04/2015
4.	Md. Cumar Sh. Maxamuud Faarax	Wasiirka Wasaarada Xanaanada Xoolaha	11/04/2015
5.	Md. Axmed Maxamed Nuur (Indhacase)	Wasiir ku-xigeenka Wasaarada Deegaanka iyo Horumarinta Reer miyiga	11/04/2015
6.	Md. Axmed Faarax Cadare	Wasiir ku-xigeenka Maamulka Gobolada iyo Degmooyinka ee Wasaarada Arrimaha Gudaha.	11/04/2015
7.	Md. Yuusuf Cismaan Garas	Wasiir ku-xigeenka Wasaarada Ciyaaraha, Dhalinyarada iyo Dalxiiska	11/04/2015
8.	Md. Siciid Cabdi Maxamuud Jaamac	Wasiir ku-xigeenka Wasaarada Duulista iyo Hawada.	11/04/2015
9.	Md. Maxamed Mixile Boqore	Gudoomiyaha Hay'adda Shaqaalaha	11/04/2015
10.	Md. Maxamed Faarax Ducaal	Wasiiru-dawlaha Wasaarada Macdanta iyo Tamarta.	11/04/2015
11.	Md. C/rashiid Xusen Cabdle	Wasiir ku-xigeenka Wasaarada Cadaalada	11/04/2015
12.	Md. Cali Axmed Maxamed	Wasiir ku-xigeenka Wasaarada Warshadaha	11/04/2015
13.	Md. Jaamac C/laahi Biin	Wasiir ku-xigeenka Wasaarada Gaashaandhiga	11/04/2015
14.	Md. Axmed Nuur Aw Cabdi Shaacir	Wasiir ku xigeenka Wasaarada Maaliyada	11/04/2015
15.	Md. Rashiid Ismaaciil kaahin	Wasiir ku-xigeenka Wasaarada Waxbarasha iyo Tacliinta Sare	11/04/2015
16.	Md. Cabdi Daahir Camuud	Wasiir ku-xigeenka Aminga ee Wasaarada Arrimaha Gudaha	11/04/2015
17.	Md. Shuceyb Maxamed Muse	Wasiirka Wasaarada Warshadaha	26/04/2015
18.	Md. Maxamed H.Aadan Cilmi	Wasiir ku-xigeenka Wasaarada kaluumeysiga iyo Kheyraadk Bada	26/04/2015

7. Masuuliyiinta Qaran ee Golaha Warbixino siiyey.



No	Masuulka	Warbixinta
1.	Gudidda Komishanka Doorashooyinka Qaranka	Arrimaha Doorashoonka iyo Wakhtigooda
2.	Md. Maxamuud Xaashi Cabdi Wasiirka Duulista Hawada	Warbixin iyo Su'aalo ku saabsan Xeerka Duulista Madaniga ah



8. Xeerarka Gudiyadu Gacanta ku hayaan:-

No.	Magaca Xeerka Golaha wali horyaal	Cida Gacanta ku heysa
1.	Xeerka Midaynta Cashuuraha	Gudidda Dhaqaalaha
2.	Xeerka Caymiska Qaranka	Gudidda Dhaqaalaha
3.	Xeerka Low of Establishment of Somaliland Agency	Gudidda Dhaqaalaha
4.	Wax-ka bedelka iyo Kaabista Xeerka Ciqaabta guud	Gudidda Garsoorka iyo Cadaalada
5.	Xeerka Kufsiga iyo dambiyada Galmada (rape bill)	Gudidda Garsoorka iyo Cadaalada
6.	Xeerka Shaqaalaha Dawladaha Hoose	Gudidda Arrimaha Bulshada
7.	Xeerka Saxaafada	Gudidda Arrimaha Bulshada
8.	Xeerka Ciyaaraha	Gudidda Arrimaha Bulshada
9.	Xeerka Macdanta (Miniral Act)s	Gudidda Deegaanka iyo kheyraadka Dabiiciga ah
10.	Xeerka shidaalka (patrolium Act)	Gudidda Deegaanka iyo kheyraadka Dabiiciga ah
11.	Xeerka ka hortaga Argagixisada	Gudidda Arrimaha Gudaha
12.	Wax ka badalka iyo kaabista Xeer-hoosaadka Golaha Wakiilada	Gudidda Joogta iyo Anshaxa
13.	Xeerka Hay'adda Wadooyinka	Gudidda Hawlaha Guud

9. Waxqabadka Guddi Hoosaadyada Golaha Wakiilada.

Gudidda Joogtada iyo Anshaxa

June-July 2015 Muddadii Golaha Wakiiladu ku jiray **fasaxii Kal-fadhigii 27^{aad}**, sida uu Dastuurka Qaranka iyo Xeer-hoosaadka Goluhu ku waajibinayo Guddida Joogtada & Anshaxa waxay dardargalisay xil-gudashada hawlaha Golaha u heysa iyadoo Masuul ka ah Golaha mudada Fasaxa Kal-fadhiyada lagu jiro.

Waxa ay mudanayaasha Guddida Joogtadu kulan xog-waran la yeesheen warbixino kala duwana ka dhagaysteen masuuliyiinta Wasaaradaha iyo Hay'addaha Madaxa-banaan oo ay ka mid yihiin:-

- Guddoomiyaha Baanka Dhexe.
- Wasiirka degaanka,
- Wasiirka warshadah
- Wasiirka Caafimaadka
- Wasiirka Wasaarada Maaliyada.
- Maareeyaha wakaalada Biyaha.
- Taliyaha Laanta Socdaalka

Sidoo kale waxa guddidu u yeedhay kana baaqsaday inuu la kulmo guddida Mayirka Caasimada Hargeysa ee Somaliland.

Guddida Ilaalinta iyo Dabagalka Hantida Qaranka

Jenuray – June 2015 Guddida Ilaalinta iyo Dabagalka Hantida Qaranku iyada oo gudanaysa waajibaadka Dastuurkiga ah ee saaran, ayaa waxay kulamo xogwaraysiya la yeelatay shantii bilood ee ugu dambeeyey Wasaaradaha iyo Hay'addaha madax-banaan ee Dawlada;

30/04/2015:- Waxay Guddidu kulan xog-waraysiya la yeelatahay Guddoomiyaha Baanka dhexe ee Somaliland, si ay u ogaadaan habsami u socodka hawlaha Baanka,iyada oo kulankaas ay waxyaabo badani ka soo baxeen, idinka oo warbixintaasi ka heli kara xafiiska Guddida.

06/05/2015:- Waxay Guddidu kulan la yeelatay Wasiirada Deegaanka iyo Reermiyaga, iga oo wax ka waydiiyey sida uu deegaanku yahay iyo wixii laga qaban karo fayo dhawrsanaanta Deegaanka dalka, waxa kale ooy wax ka weydiiyeen sida ay u ticmaalaan Miisaaliyada, Shaqaalaysiinta, xeerarka iyo la shaqaynta Guddida Qandaraasyada Qaranka.

13/05/2015: Waxay Guddidu kulan xog-waraysiya la yeelatay Wasiirka Arrimaha Dibada si ay wax uga waydiiyaan halka ay marayso Siyaasada Arrimaha Dibada Somaliland, Caqabadaha jira iyo wixii u baahan in la iska kaashado, si looga midha dhaliyo siyaasada Arrimaha dibadda ee Qaranka. Waxay kale ooy wax ka weydiiyeen Miisaaniyada, shaqaalaysiinta iyo sida ula shaqeeyaan Guddida Qandaraasyada Qaranka.

27/05/2015:- Waxay Guddidu kulan xog-waraysiya la yeelatahay Guddoomiyaha Hay'adda Abaabul ka Saarka Qaranka (NDRC), si ay u ogaadaan habsami u socodka shaqo ee Hay'adda,iyaga oo wax ka waydiiyey siday u ticmaalaan Miisaaniyada, Xeerka Hay'adda ,Shaqaalaysiinta iyo sida ay ula shaqeeyaan Guddida Qandaraasyada Qaranka, idinka oo warbixintaasi ka heli kara xafiiska Guddida.

27/05/2015:- Waxay Guddidu kulan xog-waraysiya la yeesheen Maareeyaha Haamaha Shiidaalka, kulanka oo ahaan kulan aad u muhiima oo dhinacyo badan taabanayey, iyaga oo wax ka waydiyey Qadaraasyada sida ay u bixiyaan, Miisaaniyada Haamaha Shidaalka ,Gaadiidka iyo Shaqaalaysiinta, iyada oo guddi u kuur gali doonta habsami u socodka shaqo ee Kaydka Haamaha Shidaalka.

20/05/2015: Waxay Guddidu kulan xog-waraysiya la yeesheen Wasaarada Dib u Dajinta, iyaga oo wax ka waydiiya arrimaha dib dajinta ee ay Qaranka u hayso, arrimaha qaxoontiga, Gudyaha laga dhisay Gobolada ee dadka danyarta ah loo dhisay, Miisaaniyada iyo shaqaalaysiinta. idinka oo warbixintaasi ka heli kara xafiiska Guddida.

06/05/2015: Waxay Guddidu la kulantay Wasaarada Kaluumaysiga iyo Khayraadka Badda, iyaga oo wax ka waydiiyey Miisaaniyada Waraarada, Shaqaalaysiinta, la Shaqaynta Guddida Qandaraasyada iyo ku dhaqmida xeerka iyo Dastuurka dalka.

14/05/2015: Guddidu waxay kulan la yeelatay Hay'adda Dhawrista Tayada Somaliland, iyaga oo waydiiyey halka ay marinayaan hawshan ay qaranka u hayaan iyo waxyaabaha ay u baahan yihiin in laga caawiyo, waxa kale ooy wax ka weydiiyeen Miisaaniyada,xeerka Hay'adda , shaqaalaysiinta iyo sida ay u maraan Guddida Qadaraasyada Qaranka.

Gudidda Dhaqaalaha, Ganacsiga iyo Maaliyada

07/04/2015, Guddiida dhaqaalaha iyo maliyadu waxay kulan xog waraysi ah la yeelatay Ganacsatada Gaadiidlayda iyo Macdarada oo ku saabsanaa arinta Gaadiidka ku xayirnaa dekada Berbera oo lagu soo rogay cashuur lagu baadhayo gadiidka ka soo degaya Dekada.

Gudidda dhaqaalaluhu waxay kormeer shaqo ugu baxeen magalada Berbera kormeerkaas oo ku sabsana ariinta gadiidka lagu soo roogay ee ahayd cashuur lagu baadhayo gadiidka taas oo ay bulshada gaadiidlayda ahi cabasho ka muu jiyeen.

10/04/2015, Gudiidu waxay kulan la yeelatay Gudoomiyaha Baanka Md. Cabdilaahi Xaaji Jamac Ali kulankaas oo ahaa mid ay Gudiddu mid xog waraysi kulan kaas oo laga hadlaayay arimaha sixirbararka.

28/04/2015, Gudiddu waxay la kulantay wasiirka Wasaarada Maaliyada Mar. Zamzam Abdi Aadan kulan kani waxa uu ku saabsanaa ama laga hadlaayay:-

- ✓ Arinta Zaadka.
- ✓ Arimaha Cashuuraha.

Sidoo kale Gudiddu waxay Golaha uga soo talo-bixisey Masuuliyiin Qaran si Goluhu ugu ansixiyo Xilka Madaxweynuhu u Magacaabey, kuwaas oo ka mid yihiin:-

- Gudoomiyaha Bangiga Dhexe Md. Cabdilaahi X. Jaamac Cali
- Wasiir Ku-xigeenka Maaliyada Md. Axmed Nuur Aw Cabdi Shaacir

Guddida Kheyraadka dabiicga ah iyo Deegaanka

Gudidida Deegaanka iyo Khayraadka Dabiiciga wax ay fadhiisatay ilaa 10 kal-fadhi oo ay kulmeen. Kulamadaas waxa ay ka koobnaayeen

10/08/2014 Guddida Deegaanka iyo Khayraadka Dabiiciga waxa ay la kulanatay Wasiirka Macdanta

10/04/2015 Guddida Deegaanka iyo Khayraadka Dabiiciga waxa ay la safar shaqo ku tagatay Gobolka Tog-Dheer gaar ahaan dagmada Burco iyaga oo kulamo la qatay madaxda Gobolka iyo Wakaalada biyaha ee Degmeda Burco.

13/06/2015 Guddida Deegaanka iyo Khayraadka Dabiiciga waxay ansixisay Wasiirka Xanaanada Xoolaha.

27/06/2015 – 29/08/2014 Guddida Deegaanka iyo Khayraadka Dabiiciga waxa safar shaqo u tagtay Gobolka Togdheer gaar ahaan magaladiisa Burco oo ay xog ururin ugu tageen.

15/05/2015 Guddida Deegaanka iyo Khayraadka Dabiiciga waxa ay ansixisay Wasiirka Beeraha.

10/07/2015 Guddida Deegaanka iyo Khayraadka Dabiiciga waxay safar shaqo ku soo martay Gobolka Maroodi-Jeex afar tuul oo ku yaal xadka Somaliland iyo Ethiopia oo uu ka socday mashruuc sadex sano ah oo isku socodka dadka xadka, caafimaadka xoolaha labada dhinac, ganacsiga u dhexeeya labada xad kaas oo ay u hadhay wakhti dhan laba sano waxa anu taganay markay tarikhdu ahayd

26/07/2015 -03/08/2015 Guddida Deegaanka iyo Khayraadka Dabiiciga waxay safar shaqo ku soo martay Gobolka Tog-dheer Lix tuul oo ku yaal xadka Somaliland iyo Ethiopia oo uu ka socday mashruuc sadex sano ah oo isku socodka dadka xadka, caafimaadka xoolaha labada dhinac, ganacsiga u dhexeeya labada xad kaas oo ay u hadhay wakhti dhan laba sano waxa anu taganay markay

tarikhdu ahayd.

Guddida Deegaanku waxa ay u mahad celinaysaa cid walba oo ka qayb qadatay shaqooyinka ay qabatay waxa ay si gaar ah ugu mahad celinaysaa Yusuf Habiib Hussein oo anay la'aantii waxba suurta galeen iyo Cawad Cali Maxamed iyo Cabdilaahi Cabdi Aden.

Sidoo kale Gudiddu waxay Golaha uga soo talo-bixisey Masuuliyiin Qaran si Goluhu ugu ansixiyo Xilka Madaxweynuhu u Magacaabey, kuwaas oo kala ahaa:-

- Wasiirka Wasaarada Biyah Md. Baashe Cali Jaamac
- Wasiirka Wasaarada Beeraha Md. Maxa'ed Aw Dahir Ibraahin
- Wasiirka Wasaarada Xanaanada Xoolaha Md. Cumar Sh. Maxamuud Faarax.
- Wasiirka Wasaarada Warshadhaa Md. Shuceyb Maxamed Muuse
- Wasiiru-dawlaha Macdanta iyo Tamarta Md. Maxamed Faarax Ducaal
- Wasiir ku-xigeenka Wasaarada Deegaanka Md. Axmed Maxamed Nuur (Indhacase)
- Wasiir ku-xigeenka Kaluumeysiga Md. Maxamed H.Aadan Cilmi.

Guddida Arrimaha Gudaha

05/08/2015 Guddida arimaha guddaha waxay safar ku tageen Gobolka Saaxil magaalo madaxdiisa Berbara, safarkaas oo ahaa safarada shaqo ee gudidu ku kormeerto xaaladaha Amni iyo nabadgalyo ee gobolada dalka

Ujeedada kormeerka Gudidda oo ahaa inay kormeer ku soo maraan Maxkamadaha, Booliska, Jeelasha iyo xeryaha baro-kacayaasha.

Sidoo kale Gudiddu waxay Golaha uga soo talo-bixisey Masuuliyiin Qaran si Goluhu ugu ansixiyo Xilka Madaxweynuhu u Magacaabey, kuwaas oo kala ahaa:-

- Wasiir ku-xigeenka Gaashaandhiga Md. Jaamac C/laahi Biin
- Wasiir ku-xigeenka Amniga Md. Cabdi Daahir Camuud
- Wasiir ku-xigeenka Wasaarada Arrimaha Gudaha Md. Axmed Faarax Cadare.

Guddida Garsoorka, Cadaalada iyo Xuquuqal Insaanka.

30/05/2015 Guddida Dastuurka, Garsoorka, Cadaalada & Xuquuqal Insaanka waxa safar kormeer shaqo ugu bexeen Gobolka Togdheer, iyaga oo gudanaya waajibaadka uu farayo Dastuurka Qaranka iyo Xeer-hoosaadka Golaha Wakiilada JSL, iyagoo sidoo kale ka duulaya muhiimada ah in la helo xog-dhab ah oo ku saabsan guud ahaan Xabsiyada dalka, waaxda **Garsoorka, Xabsiyada,**

Saldhigyada Booliska, iyo Xeer-ilaalinta si loo sugo xaalada maxaabiista ku xidhan, Cadaaladdooda, Garsoorka, xad-gudubyada iyo gabood falada ka dhan ah xuquuqdooda, waxaa kale oo ay gudiddu u kuur galeen siday u ogaan lahaayeen Caafimaadka, nafaqada ay helaan maxaabiista iyo nadaafada xabsiyada ay ku xidhan yihiinba.

Sidaas darteed Gudiddu iyada oo safarkoodii kormeer sii wada waxay safar shaqo ugu bexeen Gobolka Togdheer, iyaga oo ugu horayn ka bilaabay Xabsiga Burco halkaas oo ay soo kormeereen, sidoo kale waxay soo kormeereen Waaxda garoorka.

13-14/06/2015 Gudidu waxay Gobolka Saaxil ku qabteen workshop ku saabsan xeerka kufsiga iyo tacadiyada Jinsiga oo ay maalgalinteeda lahayd Dalada Nagaad, kulankaas oo socday laba cisho ujeedadiisuna ahayd sidii ay bulshadu uga qayb qaadan lahaayeen xeerka, fikradahoodana ugu soo dari lahaayeen.

16/06/2015 Gudidu waxay Gobolka Awdal ku qabteen workshop ku saabsan xeerka kufsiga iyo tacadiyada Jinsiga workshopkan oo maalgalintiisa ay lahaayeen hay'adda LEGEL ACTION WORLDWIDE (LAW), kulankaas oo socday halcisho, ujeedadiisuna ahayd sidii bulshada reer awdal looga qayb galin lahaa xeerka afkaartoodana ugu dari lahaayeen.

30/30/2015 Guddida Dastuurka, Garsoorka, Cadaalada & Xuquuqal Insaanka iyo Hay'ada **Legel Action worldwide** iyagoo taaba-galinaya habsami u socodka iyo ka midho-dhalinta Xeerkan Kufsiga iyo tacadiyada Jinsiga waxay u qabateen **Workshop Validation Meeting** ah oo Xeerka lagu gorfeynay.

Waxaanu uu ka qabsoomay xarunta Golaha wakiilada JSL, kulankaas oo socdey mudo laba cisho ah waxaa lagu gorfeyay Xeerka iyadoo ka soo qeyb-galayaashu fikradahooda ku dareen, sixid iyo toosina ku sameeyeen.

05/80/2015 Guddida Dastuurka, Garsoorka, Cadaalada & Xuquuqal Insaanka iyo Dalada Nagaad iyagoo taaba-galinaya habsami u socodka iyo ka midho-dhalinta Xeerkan Kufsiga iyo tacadiyada Jinsiga waxay u qabateen **Workshop Meeting** ah oo Xeerka lagu gorfeynay.

Sidoo kale Gudiddu waxay Golaha uga soo talo-bixisey Masuuliyiin Qaran si Goluhu ugu ansixiyo Xilka Madaxweynuhu u Magacaabey, kuwaas oo kala ah:-

- Wasiir ku-xigeenka Cadaalada Md. C/rashiid Xusen Cabdle

Guddida Arrimaha Bulshada iyo Diinta:-

Guddida Arrimaha Bulshada iyo Diintu waxay Golaha u soo Gudbisey intii lagu jirey kal-fadhigii 27aad Laba Xeer, labadaas Xeer oo kala ahaa:-

- Xeerka Duulista Madaniga ah
- Xeerka Waxbarashada Qaranka
-

Sidoo kale Gudiddu waxay Golaha uga soo talo-bixisey Masuuliyiin Qaran si Goluhu ugu ansixiyo Xilka Madaxweynuhu u Magacaabey, kuwaas oo kala ah:-

- Wasiir ku-xigeenka Tacliinta Sare Md. Rashiid Ismaaciil kaahin
- Gudoomiyaha Hay'adda Shaqaalaha Md. Maxamed Mixile Boqore
- Wasiir ku-xigeenka Dhalinyarda iyo Ciyaaraha Md. Yuusuf Cismaan Garas
- Wasiir ku-xigeenka Duulista Hawada Md. Siciid Cabdi Maxamuud Jaamac

Guddida Hawlaha Guud iyo Gaadiidka:-

30/05/2015 waxay Gudidda Hawlaha Guud iyo Gaadiidku ku Safar Kormeer ah ku tagtey Gobolka Awdal gaar ahaan Magaalada Boorame, kormeerkaas oo ujeedadiisu aheyd u kuurgalida dhismayaasha Wadooyinka, halka ay maryaan waxyaabaha ka qabsoomey iyo wixii dhib ah ka jirta dhinaca Wadooyinka, intii ay ku jirtey kormeerka Gudiddu waxay booqatey Wadooyinka Gobolka gaar ahaan Caasimada Gobolka ee Boorame sida Wadadda Jaamacada Camuud tagta.

Waxay Gudiddu kulan xogwareysi oo maalin qaatey la yeelatey Gudidda Wadooyinka Gobolada Awdal iyo Salal ee loo soo gaabiyo **SARDA**, waxayna Gudiddaasi Gudidda Halwaha Guud iyo Gaadiidka uga warameen Xaalada Guud ee Wadooyinka Gobolka wixii u qabsoomey iyo Waxa u qorsheysan, iyadoo u sheegay inay iminka bilaabayaan Wadadda weyn ee isku xidheysa Lawya-cado iyo Boorame oo ah 280km, Waxaana Safarkaa Gudidda Hogaaminayay Gudoomiyaha Gudidda **Md. Axmedyaasiin Sh. Cali Ayaanle** waxaana ku waheliyay **Md. Ibraahim Caraale Cabdi** iyo **Agaasimaha Hadal-qoraalka iyo Gudiyada Mr. Cawad Cali Maxamed** iyo Xogheynta Gudidda **Mr. Bade Cali Habane**.

Guddida Nabadgalyad iyo Amniga:-

30/05/2015 waxay Gudidda Nabadgalyada iyo Amniga Golaha Wakiiladu Safar Kormeer ah ku tagtey Gobolka Saaxil gaar ahaan Magaalada Berbera, kormeerkaas oo ujeedadiisu aheyd u kuurgalida Nabadgalyada iyo Laamaha Amniga waxyaabaha ka qabsoomey iyo wixii dhib ah ka jirta dhinaca amniga iyo laamaha qaabilsan intii ay ku jirtey kormeerka Gudiddu waxay booqdeen Saldhigyada, Xarumaha Ciidamada iyo meelo kale, iyadoo Gudidda uu

hogaaminayay Gudoomiyaha Gudiddaas Md. C/kariim Aw Cali Shabee.

10. Aqoon korodhsiyo, Workshops iyo Kormeero:-

Golaha wakiiladu isagoo dardar galinayaa hawlihiisa shaqo ee uu Qaranka u qaabilsan yahay waxaa uu tababaro kala duwan siiyey shaqaalaha Golaha mudadii 3da bilood ee ugu danbeeyey Tababaradan oo kor loogu qaadayay tayada shaqaalaha waxa ka mid ahaa Tababar 13 -15 May 2015, Ambassador hotel loogu qabtay shaqaalaha u jooga Golaha Wakiilada xafiisyada ay ku leeyihiin shanta Gobol ee dalka marka laga reebo caasimada Hargeisa oo ay ku taalo xarunta Golaha, tababarkani oo ahaa mid kor loogu qaadayo aqoontoo la xidhiidha maamulida iyo mareeyanta xafiiskyada ay joogaan iyo sidii ay adeeg suuban ugu fidin lahayeen dadka uu u adeego xafiisku.

Waxa kale oo loo qabtay Tababar shaqaalaha cusub ee Golaha si ay ula jaanqaadaan shaqada golaha wakiilada , sidoo kale waxa Tababaro khaasa la siiyey si gaar gaar ah shaqaalaha Waaxyaha Golaha sida, **Waaxda Hadal qoraalka iyo Gudiyada, Waaxda Xasuus dhawrka iyo leybareeriga, Waaxda Warbaahinta iyo Xidhiidhka Bulshada iyo Waaxda Qorshaynta** laguna tababaray shaqooyinkooda gaarka ah.

Sidaas si la mida ayaa guud ahaan shaqaalaha labada aqal ee Baarlamaanka waxa aqoon korodhsi 3 maalmood socdy loogu qabtay golaha dhexdiisa waxaana lagu baray sida guud ahaan Baarlamaanada dunidu u shaqeeyaan laguna baray 3 buug oo ka hadlaya Parliamentary Business.

04/08/2015 Aqoon-korodhsi iyo Tababar ku saabsan Habka Kormeerrada iyo kunoqoshada deegaanadii laga soo doortay Mudanayaasha (Constituency Outreach) ayaa la qabtay xarunta Golaha wakiilada, tababarkan oo qabashadiisa ay lahay UNDP.

Kulankan oo loo qabtay mudanayaasha sadex gudi hoosaad oo golaha Wakiilada ah iyo qaar ka mida Shaqaalaha ayuu Maanta Gudoomiyaha Golaha Wakiilada Md. Cabdiraxmaan Maxamed Cabdilaahi (Cirro) ka furay Xarunta Baarlamaanka JSL, Sadexda gudi ee tababarkan loo qabtay waxaa ka mid ahaa:-

- ✚ Guddida Joogtada iyo Anshaxa.
- ✚ Guddida Dabagalka iyo ilaalinta Hantida Qaranka.
- ✚ Guddida arimaha Bulshada iyo diinta.

Sadexdan Gudi ayaa waxa u qorshaysan in aqoon korodhsigan ka dib ay ugu kala baxaan Gobolada dalka si ay ugu kuur galaan xaalada deegaanadii laga soo doortay, isla markaana kormeer hawleed oo ku saabsan shaqooyinka ay u hayaan

Qaranka ku tagaan deeganadoodii.

Gabo-gabadii Gudoomiye Cirro ayaa ugu baaqay Mudanayaasha iyo shaqaalaha ka qayb gelaya ee nasiibka u helay tababarkan inay ka faa'iidaystaan labada maalmood ee uu socdo.

11. Waxyaabaha Goluhu soo kordhiyay:-

➤ Buugaag Goluhu Sameeyay:-

Waxaa bishii July ee sanadkan 2015 Golaha u qabsoomey inuu Markii ugu horeeyay Soo saaro oo Sameeyo Buug, Buugtaas oo isugu jiraan 3 Buug oo ah Buug laga diyaariyay Hadal-qoraalka) Doodaha Xeerarka, Warbixinada, Soo jeedimaha Fadhiyada Golaha, iyadoo la raacayo hanaanka baarlamaanada (Parliamentary Procedure) waxaa ka mid ah in dhamaan Wixii ka dhaca fadhi kasta oo uu yeesho la duubo, la qoro, lana recordgareeyo, isla markaana laga sameeyo Buug leh Cadad kala dambeeya iyo Habraac qoraal.

Golaha Wakiiladu isagoo taa raacaya wuxuu soo saarey 3 Buug Hadal-qoraal (Hansard) markii ugu horeysay kuwaas oo ay ku qoran yihiin dhamaan wixii laga Hadley fadhiyada Golaha Wakiilada intii ka dambeysay 01/10/2010 Kal-fadhigii 13^{aad} ilaa Maanta oo aynu ka soo baxney Kal-fadhigii 27^{aad}, **Waaxda Hadal-qoraalka iyo Gudiyadda** Golaha oo hormood u aheyd soo saarista Buugtaas, waxayna u soo kala baxeen saddex Cadad (Volumes) oo kala ah:-

- **Volume 1 (cadaddka 1^{aad})** oo ka kooban Hadal-qoraaladii Kal-fadhigii 13^{aad} ilaa Kal-fadhigii 20^{aad} kuna taariikheysan 01/10/2010 ilaa April 2013.
- **Volume 2 (cadaddka 3^{aad})** oo ka kooban Hadal-qoraaladii Kal-fadhigii 21^{aad} ilaa Kal-fadhigii 24^{aad} kuna taariikheysan 22 April 2013 ilaa 20 January 2014.
- **Volume 3 (cadaddka 3^{aad})** oo ka kooban Hadal-qoraaladii Kal-fadhigii 25^{aad} ilaa Kal-fadhigii 27^{aad} kuna taariikheysan 05 May 2014 ilaa 25 May 2015.

Iyadoo Wixii iminka ka dambeeya si joogta ah loo saari doono isla markaana loo qeybinayo Mudanayaasha si Mudane kasta wixii uu ka Hadlo oo Buug ah uu helo una noqdaan kuwo taariikhi ah la dhaxlo kumanaan sano ka dib noqdaana tixraac laga dheegto shaley halkii la marayay iyo qadiyada taagneyd markaa siduu uu Golaha Wakiiladu u naaqishey ama uga Hadley.



Sidoo kale waxaa Buugtaa ka mid ah Hand Books ka kooban 15 Buug oo kala duwan kuwaas oo ay ka mid yihiin Buuga Qaab-dhismeedka Golaha Wakiilada (**Organogram Structure of HoR**) iyo Buug Qaabka loo Sameeyo Hadal-qoraalada iyo Warbixinada Golaha iyo Gudiyada (**Hansard production and Committee Verbatim Reports Guidelines**) iyo kuwa kale.

➤ **Jaraa'id Goluhu leeyahay oo la soo saarey:-**

Waxa kale oo isna Golaha kal-fadhigii 27^{aad} soo saarey Jaraai'd lagu qorayo Dhamaan dhacdooyinkii Fadhiyadii Goluhu yeeshay Wax qabadkoodii, Shaqooyinkii Gudiyada Goluhu qabteen, Wixii Maamulka iyo Shaqaalaha u suurtoobey iyo Guud ahaan Wararka iyo afka Golaha, Jaraa'idkaas oo loo bixiyay- **Xogsidaha Wakiilada**, waxaa laga daabacay 500 Buug, Waxaana loo qeybiyay dhamaan Mudanayaasha Golaha iyadoo la geynayo Gobolada iyo Degmooyinka ka kooban yahey si loo agaado wax-qabadka iyo Shaqada Golahni Qaranka hayo, Waxaana Soo saarey **Waaxda Xidhiidhka Bulshada iyo Warbaahinta** oo ka mid ah 8 Waaxood ee Golaha Wakiilada.

➤ **Mareegtada (Website) Golaha oo la Casriyeeyay:-**

Golaha Wakiiladu wuxuu hore u lahaa Mareegto taas oo lagu aheyd www.Somalilandparliament.net mareegtadaas oo door weyn ka qaadan jirtey xidhiidha Bulshada iyo Golaha isla markaana aheyd meel Goluhu ku soo bandhigo wax qabadkiisa iyo wixii ka socda si joogta ah, hadaba si loo casriyeeyo isla markaana loo xidho si aan cid kale u sameysana godadka kale ee laga sameyn karo Website huwan magaca Golaha Wakiilada ama Baarlamaanka Somaliland oo aanu Goluhu gacanta ku heyn waxaa la sameeyay:-

- Mareegto Cusub oo ah www.somalilandparliament.com ayaa la sameeyay

halkii markii hore ka aheyd .net.

- Waxaa casriyeyn lagu sameeyay fornt-ka websiteka iyadoo la darsey qaababka Website-da **Baarlamaanada** caalamku u sameysan yihiin.
- Waxaa laga saarey Webistii hore vires galey oo mararka qaar sababi jirey inuu Data-dii ama xogtii la galiyay laga dheehan waayo.
- Sidoo kale waxaa la kordhiyay qeybaha xoggalinta oo lagu darey waxyaabo badan sida Video-ga Muuqaalka ah iyo Newsletter-ka Golaha oo E-News ah.

Casriyeynta iyo balaadhinta Mareegtada Goluhu waxay ka mid tahey waxyaabihii Maamulka Goluhu ku guuleystay intuu lagu jirey fasaxii Kal-fadhigii la soo dhaafey, waxaana farsamadaas casriyeynta iyo balaadhinta sameeyay Shirkada **RAASAMAAL** oo uu leeyahey Eng. Guuleed Xasan Maxamed (Gabyaaye) oo ah aqoonyahan iyo khibiiru Techonolgy-ga Casriga ah.

➤ **Xeerarkii hore ee Typeka ahaa Soft laga dhigey:-**

Waxyaabaha kale ee Golaha u suurto-galey waxaa ka mid ah in dib loo qoro Xeerarkii hore ee Dalka oo ahaa Type, kuwaas oo aan laga heyn soft copies, Xeerarkaas marka loo baahdo ay dhib aheyd in la helo, sidoo kale waxay Xeerarkaasi qarka u saarnaayeen inay baaba'aan oo masaxmaan madaama wakhti hore lagu qorey typy waraaqihiina duugoobeen, laga heyn mid kasta wax ka badan hal nuqul, waxa kale oo dhib aheyd wakhtiyada Goluhu u baahdo inuu ku sameeyo wax ka badal iyo kaabis waxay noqoneysay in dib loo qoro inta aan la galin taas oo caqabd ku aheyd Golayaasha iyo Guud ahaanba Qaranka.

Isagoo Maamulka Goluhu arrintaa ka duulaya Wuxuu suurto-galiyay intii lagu jirey fasaxii kal-fadhigan inuu soft laga dhigo oo dib loo garaaco Xeerarka kala ah:-

- Xeerka Jinsiyada Somaliland.
- Xeerka Xaalufka iyo Nabaad Guurka.
- Xeerka Hant-dhowrka Guud
- Xeerka Kaluumeysiga
- Xeerka Socdaalka (Immigratooin law)
- Xeerka la-haanshaa Dhul-beereedka
- Xeerka Nootaayooyinka

- Xeerka Mideynta Tacriifada Dawladaha Hoose
- Xeerka kala-xadeynta Ganacsiga
- Xeerka la-gadaalanka Mukhaadaraadka
- Xeerka Boosaha iyo Isgaadhsiinta.
- Xeerka Maalgashiga Shisheeyaha

12. Kormeerada:-

Sida ku xusan Dastuurka JSL kormeerada iyo dabagalida Baarlamaanku ku dulsamaynayaan hay'addaha Dawlada/Fulinta, waa tiirka mid ah shaqada Baarlamaanku u igmanyahay kuwaas oo kala ah (**Matalida dadka, sharci samayn iyo kormeerida iyo dabagalida hay'adda dawlada**).

30, May 2015, Guddida garsoorka, cadaalada, iyo xuquuqal insaanka ee Golaha wakilada ayaa booqasho kormeerida ku tagey Gobolka togdheer si ay usoo arkaan xaqiiqda dhabta ah ee taala xarumaha dawlada ee garsoorka gacanta ku haya, sida Saldhigyada, Xabsiga, Maxkamadaha iyo Xeer ilaalinta, intii ay ku guddajireen guddidu kormeerkooda waxay indhahooda ku soo arkeen baahiyaadka jira ee dhabta, runtii garsoorkuna waa meelaha ugu liita ee wadankani ka dayacan yahay sabatuna ay tahay iyadoo dawladu wax badan u qaban "waa sida warbixinta guddi ay sheegeysee" Xabsiga burco oo la dhisay 1934 Looguna talo galay in lagu xidho 25 ayaa waxaa hadda ku xidhan tiro dhan 248 oo aad uga badan tiradii loogu talo galay alkaa waxaad ka garankartaa culayska saran maxabiista haduu noqdo mid cafimaad mid kaleba.

30-May-2015, Waxaa kale oo iyana kormeer xaqiiqa raadin ah ugu baxay magaalada Berbera ee xarunta gobolka saaxil guddida sirdoonka iyo amniga si ay u kormeeraan hay'adaha amniga ee heer gobol iyo qaxootiga yemen kasoo qaxay ee Berbera ku sugan sida y tahay xaaladooda amni, Xubnaha guddidu intii ay joogeen waxay la kulmeen, qaxootiga yemen, ciidamada badda iyo ciidamaba boliska waxay su'aal iyo xogwaraysi ka waydiiyeen xaaladaha dhabta ah ee ay ku sugan yihiin.

30-May-2015, xubno ka tirsan mudanayaasha Guddida wadooyinka iyo hawlaha guud ayaa iyana booqdey xarunta gobolka awdal ee Borama waxayna halkaasi kula kulmeen hay'adda ASARDA oo ah hay'adda wadani ah oo ka shaqaysa horumarinta wadooyinka Gobolada Awdal iyo Salal, waxayna gudida warbixino iyo waraysi arrimaha wadooyinka ee labadan gobol kaga dhagaysteen mas'uulinta hay'ada ASARDA, kuwaasi oo sheegay waxa gobolka wadooyin u qabsoomay iyo

inta u qorshaysan in la dhiso ee wax laga qabto, Mudanayaashu intii ay joogeen magaalada Borama waxaa kale oo ay la kulmeen isuduwahah caafimaadka ee goboka iyo wax ka waydiiyey arrinta caafimaadka ee xeer gobolka, waxaanu isuduhu uga warbixiyey ariintaasi mudanayaasha.

Dhinaca kale, Iyana Guddida Kheyraadka Deegaanka, Xoolaha, Beeraha, iyo khayraadka dabiiciga ah ee Golaha Wakiilada ayaa waxay safaro shaqo oo kormeerisa ku tageen xarunta Lab-ka ee haamaha kaydka shidaaka Berbera iyo magaalooyinka Burco iyo Caynabo si ay u soo indho indheeyeen xaaladaha deegaan ee gobolada intii ay joogeen gobolada bariga waxay la kulmeen badhasaabka gobolka togdheer iyagoo waraysiyan kala yeesheen xaaladaha deegeen ee gobolkaasi.

31 May 2015, Xoghaya Guud ee Golaha Wakiilada Mudane Cabdirisaaq Siciid ayaanle oo ay weheliyaan Agaasimaha Qorshaynta Mudanaye Cabdinasir Cismaan Maxamuud, iyo Lataliyaha Sharci ee Golaha Mustafe Maxamed Xaji Dahir, ayaa waxay safar shaqo ku tageen xafiiska Golaha Wakiiladu ku leeyahay Magaalada Laascaanood ee Xarunta Gobolka Sool, safarkan shaqo ee saraakiisha maamulka golahau wuxuu daarnaa u kuurgalida hawlaha shaqo ee xafiiskani u fidiyo dadweynaha degan gobolka iyo habsami u socodka shaqo ee xafiiska.

Intii waftigan ay joogeen laascod waxay kulamo kala duwan la qaateen mas'uuliyiinta degmada laascaanood, waxayna la kulmeen mayor ku xigeenka magaalada laascaanood kaasi oo ay ka wada sheekaysteen guud ahaan xaaladaha gobolka iyo gaar ahaan xafiiska baarlamaanka iyo kan dawlada hoose ee degmada.

Markii waftigan soo dhamaysteen safarkoodii shaqo ee laascaanood waxaa kale oo ay soo mareen xafiisyada baarlamaanka ee ku kala yaala Burco iyo Berbera, kuwaasi oo ay soo kormeereen sida ay u wataan shaqooyinkooda iyo adeegyada ay u fidinayaan dadweynaha degan goboladan,

waxaa in ilaa bilowgii 2014, baarlamaanku kulahaa xafiisyo shanta magaalo madax ee shanta gobo lee kala ah, Borama- Gobolka Awdal, Berbera- Gobolka Saaxil, Burco Gobolka Togdheer, Laascaanood-Gobolka Sool iyo Ceerigaabo-Gobolka Sanaag, Ujeedooyinka xafiisyadani baarlaamaanku u furtayna waxay ahayd in dadweynaha degan gobolada la gadhsiiyo xeerarka baarlamanku ansixiyo, iyo warbixinaha kale ee baarlamaanku soo saaro iyo in shaqaalaha xafiisyadani ay noqdaan kuwa u dhuun daloola hawlaha ka jira deegaaadani si ay warbixinta ula wadaagaan xildhibaanadii laga doortee deegaanadan, iyo in la isku soo dhaweeyo iska warhaynta dadyowga degan deegaanadan iyo mudanaayshii ay doorteen si ay u noqdaan kuwa iska warhayo oo leh meel iyo goobo ay ka wada xidhiidhan, xafiisyaddani waa qaar xildhibaanadu ku shaqeyan marka ay joogaan goboladii laga soo doortay.

13. Safarda Dibada:-

11-april 2015, waxa safar shaqo oo waxbarasho ugu baxay dalka Ethiopia gaar ahaan magaalada addis ababa xubno mudanayaal ah oo ka kooban 22 qof iyo 10 qof kale oo ka tirsan fulinta sida wasiir ku xigeeno iyo gudoomiyayaasha dhawr hay'adood oo madax banaan, intii ay waftigan joogeen magalada addis ababa waxay baranayeen casharo la xidhiidha hogaaminta, waxaa bare ka ahaa khabiir way oo aqoon dheeraada u leh hogaaminta oo u dhashay dalka Senegal, mudadii ay joogeen waftigan somaliland ka socday waxay u ahayd fursan qali ah oo ay ku kabayeen aqoonta ay u lahayeen hogaaminta, waxaana tababarkan suuro galiyey oo soo agaasimahay hay'adda UNDP qaybta Gender -ka.



07/06/2015 Mudanayaal Golaha Wakiiladda ka mid ah oo ka qayb galay Shir Caalami ah oo in ka badan 40 dal ka soo qaybgaleen kana dhacay Caasimada Jamaica

Shirkaas oo ay goob jog ahaayeen Gudoomiyaha Baarlamaanka Jumaica iyo Raysal Wasaaraha ayaa lagu soo gabagabeeyey magaalada NEW KINGSTON ee dalka JUMAICA.

Shirkan oo mudo todobaad ah socday ayay ka soo qayb galeen wefti ka socday Somaliland Baarlamaankeeda isla markaana uu hogaaminayay Gudoomiyaha Gudidda ilaalinta iyo Dabagalka Hantida Qaranka ee Golaha wakiilada Md. Maxamed Cali Xirsi, weheliyeena Md. Naasir X. Cali Shire iyo Md. Saleebaan Cawad Cali (Bukhaari) kulankaas oo ay ujeedadiisu ahayd sidii kor loogu qaadi

lahaa la xisaabtanka iyo kor u qaadka habka korjoognimo ee Baarlamaanada dunida.

Kulankaas aaya waxaa warbixin dheer ka jeediyey Gudoomiyaha Gudidda dabagalka iyo la dagaalanka Musuq maasuqa ee Golaha wakiilada Maxamed Cali Xirsi waxaanu ka warbixiyey sooyaalkii taariikheed ee Somaliland iyo nidaamka ka jira, Baarlamaanka iyo sida uu u shaqeeyo, Miisaaniyada iyo heerarka ay marto iyo inta haayadood ee ka ku shaqada leh, waxa kale oo uu Gudoomiye Maxamed Cali xirsi si faahfaahsan uga waramay Guddida dabagalka iyo la dagaalanka musuqmaasuqu sida ay u shaqayso una samayso La xisaabtanka Hay'addaha Dawliga ah.

Mudanayaasha Golaha ka geeriyoodey:-

Bishii March ee Sanadkan Waxaa Golaha ka geeriyoodey Ilaahey ha u naxariistee Laba Mudane, labadaas Mudane oo kala ahaa Ilaahey ha u naxariistee **Md. Xariir Siciid Bulaale** oo 08/03/2015 ku geeriyoodey magaalada Hargeysa mudanayasha oo laga soo doortey Gobolka Sool, Mudanaha labaadna Wuxuu ahaa Ilaahey ha u naxariistee **Md. Maxamed Barkhad Miigane** oo 30/03/2015 ku geeriyoodey Magaalada Boorame laguna Aasey, Labadaas Marxuum Ilaahey Janadii Fardowsaha ka waraabiyo.



Marxuum Md. Maxamed Barkhad Miigane Wuxuu Golaha Wakiilada ka mid ahaa 1993kii ilaa Wakhtigaa uu geeriyoodey oo noqoneysa inuu 3 ka mid ah 4 Gole ee dalka soo marey ku soo jirey, Halka Marxuum Md. Xariir Siciid Bulaale uu ka mid ahaa Mudanayaashii la soo doortey 29 September 2005tii oo ahaa Golihii ugu horeeyay ee Cod Bulshadu ku soo dooratey.

C/risaaq Siciid Ayaanle
Xoghayaha Guud ee Golaha Wakiilada JSL.